

北京師範大學圖書館 編

北京師範大學圖書館藏

稀見清人別集叢刊

第十六冊

GUANGXI NORMAL UNIVERSITY PRESS
廣西師範大學出版社



北京師範大學圖書館編

北京師範大學圖書館藏

稀見清人別集叢刊

第十六冊

GUANGXI NORMAL UNIVERSITY PRESS
廣西師範大學出版社

桂林



目錄

蔬香齋遺稿

一

海騷

二九

朱魯存先生遺集

九七

蔬香齋遺稿

〔清〕紀叢筠 撰

疏香齋遺稿

《疏香齋遺稿》二卷，清紀叢筠撰，清同治七年（1868年）紀氏家塾刻本。

紀叢筠，字竹伍，一字竹吾，江蘇句容人。爲紀映鍾族孫。諸生，擅長醫術。咸豐年間尚在世。

是集由其子紀懷清哀集付刻，分上下卷，存詩九十七首。集前有裴鑒、汪直清序。

集中存詩不多，內容稍嫌單薄，行旅途次之作外，多爲咏史及擬古之作，蓋囿於見聞歷練，不得不于書卷內討生活。咏史之作雖多，却難覓佳作，惟卷上《讀史十首》其六直斥鄧攸弃子爲「矯情務弋譽」，不爲無見。擬古之作如《名都篇》《美女篇》著力模擬古詩之語詞、聲調，難脫貌襲之譏。然集中亦有可見性情之作，卷上《雜感四首》其四曰：「天地多風雨，人心起波瀾。戶庭有荆棘，豈獨行路難。驅車將何之，四野雲漫漫。攬涕當語誰，中夜空辛酸。」幾近長歌當哭。卷下《寒儒》《老儒》《老將》諸詩于顧影自憐中洩露幾許傲氣，足見叢筠雖

老于諸生，胸中非無塊壘。惟集中類此之作無多，惜乎！

另，卷上《黃浦水》記道光六年（1826年）洪湖壩決，水瀉成災事，觸目驚心，非獨存史，亦可見作者之仁心，是可謂『歌詩合爲事而作』。（李鵬）

同治戊辰年暮春鐫

疏香齋遺藁

家塾珍藏

序

國初紀伯紫先生以詩名江左
與新城尚書往來倡和感舊集
選載諸篇膾炙人口至先生所
著之藥堂集詩家奉爲圭臬固
已久矣卽追而溯諸梁之少瑜

一

唐之唐夫吾知其弗多讓也紀
君竹伍爲伯紫先生族孫性穎
敏於學無不貫通而善自韜晦
卽與之交者率不知其能詩或
山水流連友朋贈答偶一成詠
時之以詩鳴者罔不爲之壓倒

而讓伏焉余嘗與語曰子殆蓄
寶希聲故秘其竒以玩世歟抑
不欲炫雅矜才以詩自見歟竹
伍第笑而不言有所作輒隨手
散佚不自存稿余索之再始檢
得七十餘篇受而讀之或則吐

二

言天拔興象深微或則沈博絕
麗議論颺舉上溯漢魏六朝近
及有明七子體格無不具備不
必有意求合於古人而爲無不
合夫乃嘆其胎息者深而非鹵
莽淺嘗者所可同日語也雖然

是固有性情焉而又非徒寢饋
於篇什者之所能得也夫伯紫
先生以詩鳴而其名著竹伍不
以詩名而其詩工家學相承其
亦淵源有自矣余特爲之序以
質諸世之知竹伍者當必不以

三

余言爲謬也

道光十八年歲戊戌春三月

印川愚弟裴鑑拜撰



夫詩三百篇溫柔敦厚言近旨
遠故其感發人之性情者深矣
自來名公大儒多有不以詩名
而詩無不傳者蓋積厚流光非
徒事尋章摘句爲也紀公竹伍
嗜古績學名重一時詩特其緒

序

一

餘耳所爲詩一本性情識力超
卓迥不猶人平日不欲以詩自
見隨作隨棄故存稿無多哲嗣
懷清樸誠士也甲子秋日來游
其陵出其先人遺稿見示擬付
剞劂問序於余念懷清自兵警

以來家業蕩然獨於先人手澤
之遺兢兢護持勉力開雕其志
識非常人所能及明德之後必
有達人吾知懷清必能繼武先
賢毋怠厥志僕學卑識淺何足
爲序然以肫懇至情不敢固却

序

二

謹述數言於簡端

同治三年甲子中秋前二日

廣陵後學汪直清謹書



蔬香齋遺稿

句曲紀叢筠竹伍氏著

空谷竹

空谷猗琅玕古翠亦何潔此君挺清標枝
高纖塵絕鳳凰何時至仁醴實自結經冬
霜霰繁當暑陽歆烈飭膏炎與涼虛心抱
勁節

春水

蔬香齋遺稿

卷上

二

鷗鷺頻翻綺縠紋平堤波暖碧鱗鱗坐來
天上非無路行盡桃源別有春鏡面光澄
風不起裙腰綠映雨初勻記曾南浦停橈
處楊柳條條照影新

途次

東風吹雨歇霽色馬頭生柳合烟無際瀑
飛山有聲斷雲孤堡出返照野花明欲解
征衫冷尊開沽店春

登茅峯歌

五丁開鑿神奉役神龍聽命苦威督三龍
飛竄入洞天化作芙蓉千載綠茅君兄弟
雲中仙分跨一鶴凌層顛至今靈迹感遐
邇當春賽報人摩肩我來攬勝入山口千
山萬山落馬首馬馳巉岩對峙中兩山旣
蹶挾人走出山入山山何多重巒起伏星
棋羅前山迎我後山送管眼已立茅山阿
蔬香齋遺稿 卷上 二

召伯舟泊

輕舸小泊晚潮生客倚篷窗欲斷魂漁舍
無燈月在網人家依岸水當門青帘影露
開宵市黃葉林稀認遠村歸雁啓啓棲未
定一行秋影掠波痕

古意 二首

郎弄江南船妾家江北沚相思人不見明
月一千里

郎住綠荷塘妾住青蓮浦郎愛荷花香妾
知蓮心苦

遊金山寺用蘇文忠公原韻

盤右闕地東南開導沙決石掀東海奔濤
挾送風偶停大江流去孤山在孤山浮玉
盤陂陀琳宮嶽嶽凌滄波裴公魚鼓已陳
蔬香齋遺稿 卷上 三

迹古人不見中情多下尋中冷挖飛楫愛
聽鈺笙坐竟日振衣直上妙高臺夕陽天
外孤輪赤江風宵起動魂魄鯨龍夜鬪潮
頭黑長庚照水似月明影翻石壁蛟龍驚
離奇恍惚幾莫識變化百形感造物東南
無過此江山山色嵯峨山石頑我來看山
飲不已安得酒如長江水

黃浦水

丙戌孟秋洪湖盛漲啟各壩洩入
海黃浦當其下游時天雨洩句濱
海之鄉正虞泛濫值上游洩水千
里內外遂滙爲巨浸鄉之氓如鳥
獸散其附郭者避入城強者登陴
覆茅以居弱者露處焉哭聲震野
申且相續百餘年來未有事也余
時客黃浦觸目盡懷作此紀事

蔬香齋遺稿

卷上

四

七十二河之水十萬頃澎湃洞瀝注於
洪湖河伯激怒蛟龍鬪忽驚盤渦百丈勢
下過大府諸丞僉失色呶呶議築復議塞
築之塞之水愈逼因勢利導分水力下游
射湖當其衝尋常波動聲洶洶是時淫雨
日傾盆日車不行天地昏上游壩啟飛湍
陡瀾天一瀉入海走地維欲折山疑摧龍
鼉白日空中吼水頭壓屋翻狂濤負兒挈

女人爭逃兒不見孃牽耶號人聲哭此水
聲高林木屋廬此時忽不見眼前但見上
青下白天與水洗洗奔竄覓棲止人家在
船船入市一城簷苦周女牆趨如蟻赴踵
接踵昨日華堂笑語坐今夕哀鴻藉草卧
茫茫世事難預量解囊誰肯拯寒餓博濟
吾若非豐饒愴目躅足憂終朝愧無武肅
築塘之神勇三千弩射回奔潮又無王景

蔬香齋遺稿

卷上

五

湮流之良法舉鎮不畏洪波漂魚頭滿眼
心空焦魚頭待鋪羣延頸大府羽書訊災
青有司撫卹嗷嗷終日啼號得一餅

登焦山

渺渺青烟一點浮大江攬勝放孤舟漫山
嵐氣濃成雨近海濤聲冷欲秋帆影縱橫
爭過鳥日光明滅亂中流乘風我擬凌波
去會向滄溟訪十洲

秋初登野樓

雲影漫天重登樓倦眼開孤帆隨鳥沒暮
雨帶秋來身病縈塵慮愁多却壯才蒼茫
無限意消遣付村醅

采石弔太白

依舊一天月茫茫無限情江山千古在生
死幾人名水濶蛟龍聚風高羽翼輕相思
酒杯酒碧字燦長庚

蔬香齋遺稿

卷上

六

偶書三首

讀書如遊山愈入愈可喜讀書如飲醇愈
酣愈難已開編見千秋古人何曾死澄此
一寸心默契萬古理會神不泥迹斯真讀
書子陋哉章句儒偏促書城裏墨守陳腐
言餽飮食渣滓豈知縹緲中醇駁各異旨
六籍多可疑龐雜矧百氏放眼須如箕殫
心求其是人云我亦云齷齪良可耻

粵稽漢明朝佛始入中國其教崇空虛艱
苦屏食色了性契無生冥心超塵域胡爲
納供養果蔬當牲特胡爲飾琳宮楹楹炫
丹刻舉世競崇奉無非爲僧惑更創輪迴
說誘人仗佛力懺悔孽果消作惡計亦得
詰佛以此言佛亦應語塞佛開釋之源僧
乃佛之賊

徐氏深緣園

蔬香齋遺稿

卷上

七

逸士幽棲處柴門深綠灣樓高先得月牆
短不遮山脩竹環園靜名花照眼閒頻來
如有約小坐俗塵刪

史閣部墓

衣冠血淚灑縱橫馬鬣長封此墓門菊部
歌殘人誤國梅花開遍客招魂文山正氣
千秋著袁粲孤忠一代尊事定殊榮邀
聖世莫將成敗漫持論

李廣

爪牙威攝萬貔貅未脫兜鍪已白頭豪傑
但期能報國功名何必定封侯身離甲帳
刀常濕令到龍城虎亦愁莫怨勲華翰衛
霍一朝飛將自千秋

讀燕丹傳

筑聲激烈歌未終壯士一去蕭蕭風風蕭
蕭兮易水寒血殷殷兮雙股殘七尺屏風

蔬香齋遺稿

卷上

八

袖一幅未得搥胸徒繞逐或詆此舉速燕
亡韓謹事秦亡更速獨恨狂羸運未移七
首空誤樊於期報仇行險英雄事君不見
亡命還來博浪椎

讀史十首

強羸肆兼并列國被鞭撻六合供蠶食九
鼎咸陽徙中心恣狼貪廟號創皇始東海
多神仙更欲求延紀南面坐萬年至樂莫

如此奈何慕真人不能少一死遠慮防匈

奴亡秦讖已起營陣擬天塹白骨填萬里

鞏固雄邊風萬禩將此恃豈知命有歸設

險安足恃渺爾一亭長生在長城裏

長卿樂繁才腹笥羅五車揮翰奮宏藻出

身由子虛文詞梯榮祿古今此權輿浮競

啓後人作偏安逃辜太初志好大更有封

禪書夸侈導人主逢惡事虛誣立言貴不

蔬香齋遺稿

卷上

九

朽不朽言何如

長倩宰相才敷陳風謬謂金微與更生引

舉良無忤諠藉師傳恩心惟忠蓋托惜哉

無遠慮逕行失付度闇主如童騃國柄宵

小攫小人力披猖智士防矰繳關內爵方

除廷尉獄再作繞宅圍金吾結局一杯藥

經術期沃君自謀何疎畧昧此肥遯義用

罔投鼎鑊二疏揮黃金賓客日娛樂

漢運際元始乾坤嘆倒置九錫新葬膺六
合綱常墜陳崇與張竦昧心恢國議上書
八千人稱頌肆無忌巍巍安漢公龍飛指
日事遐哉南昌尉旁觀暗垂淚旣無力士
椎痛擊一快意又無太尉軍左袒滅凶彗
視聽刺寸衷俯仰難自遂耳目滅見聞一
朝妻孥棄舉世入醉夢附會傳仙異志士
存性情知心惟天地落落有千秋非名亦
非位

蔬香齋遺稿

卷上

十

古人列青簡心迹憑參詳尙論貴巨眼發
覆隱乃彰客星樂隱淪羊裘恣徜徉尺蠖
甘屈伏寸心可揣量雲臺中興佐袞袞輝
廟廊桐江一野老落落無短長相形如見
細故人奚有光倘貽覆餗僂何如善刀藏
存此遺世概高名千秋芳緇塵視纓冕自
謀亦云臧

父子屬天性骨月同安危疾病憂且切離
別心猶悲異哉晉鄧攸已子棄如遺姪命
不可絕盍爲兩全之棄子獨全姪豈樹亦
何爲矯情務弋譽忍心濟乃私世俗忽不
察交口多寬辭聖賢重庸行造物平報施
天道誠有知伯道斯無兒

鴛鴦碧落鸞鴛鴦瀾風塵乾坤正瀕洞賢
達安求伸慨自義熙末世變無忠純朝食
蔬香齋遺稿

卷上

十一

典午粟暮作寄奴臣柴桑抱勁節甘守南
山貧折腰辭一官託言藏其身正氣存兩
間此心異隱淪大書晉徵士示非劉氏民
千秋論知已紫陽得其真三復五柳傳畢
然懷斯人

淵淵二十篇堯舜治世譜何物趙中令哆
口誇一部宰相須讀書茲言出太祖普殆
因習聞飾說聊結主倘能踐所言措施豈

小補致君必唐虞而普亦臯禹如何炎宋
初治未近乎古

寇公勸親征澶淵六師呼畫策使稱臣勝
算安邊隅真宗棄良謨其意將何居或謂
君孱弱怯敵徒多虞詎知廟謨遠意別有
在歟適來幸兵諧中心籌遠圖契丹倚臣
服準績高寢區勲隆積威望盛生覬覦
祚移跋扈臣五季其前車亟爲城下盟極
蔬香齋遺稿 卷上 三

功準難居異時雖慚悔此日深躊躇畏準

非畏敵誅心論豈誣

子孟胸無書安劉識大義萊公學誠疏扶
危有殊智嗟彼王荊公攄腸萬卷記經濟
誤蒼生剛愎復縱恣神廟資英特時抱有
爲志輔政如得人天下樂邦治徒以青苗
興繞樹耿不寐官禮致太平幾覆宋神器
泥古不能通千秋貽詆詈卓哉諸葛公讀

書觀大義

題趙鳴和黃浦集

東風吹落墨雲香展卷高吟逸韻長海國
三年羈孟頻詩城一幟樹冬郎韓仲有咏
首論心憶其天涯月分手頻驚歲暮霜引
領西津雲樹杳思君終日啓瑤章

春草用漁洋秋柳韻 四首

春到平原客斷魂東風吹滿綠當門尋芳

蔬香齋遺稿

卷上

三

伴約迷山路送別人歸認屐痕幾處新勝
澆社酒一鞭嘶馬踏晴村江南此日開圖

畫宜雨宜烟好細論

年來弔古鬢如霜又值詩成憶謝塘帶染
書香滋滿砌袍裁春色盈盈箱綠窻靜對
懷周叔青塚空留怨漢王記得昨遊尋勝
蹟菱迷深處門雞坊

閒聞無那試新衣昨日凝粧卜又非柳陌

舒眸春思遠蘭山人夢燒痕稀露侵羅襪
青於染風剪裙腰翠欲飛深院鳥啼人跡
少一盤門罷意偏違

王孫遊跡劇堪憐望杳蓬蓬欲化烟此日
空山新雨露誰家別淚洒芊綿路分南浦
牽春恨霜滿離亭憶去年惆悵天涯行不
得鷓鴣啼到夕陽邊

鸚鵡

疏香齋遺稿

卷上

古

閒倚簾櫳報好音隴山迴首黯傷神可憐
毛羽空騰采何事聰明轉累身香稻啄殘
矜自整金籠羈久意彌馴鳴鳩漫恨生偏
拙花柳逍遙九十春

下忠貞公墓

一書倉卒徵狂寇國舅失機抱頭走羣公
衮衮江東英祇解談元不能鬪大廈撐支
惟仗公督師力疾總元戎卻克中矢不停

鼓荀偃生瘍猶彎弓棟折榱崩事已去長
戈獨揮落日紅日落滿城走獍狺青溪一
炬成焦土漫天黑雲震地鼓刀光電掣血
如雨將軍畢命不知苦佳兒隨父黃泉聚
父死爲國子死父死盡一心卓千古君不
見秣陵四野蕭蕭多白楊六朝遺塚蹲牛
羊生前無非在國爲臣家爲子餒鬼夜哭
秋風涼有誰肯過澆酒漿浩浩正氣乾坤
疏香齋遺稿

卷上

五

留佳城鬱鬱森松楸文章有幸值脩墓傳
亮一啓傳千秋

雜感四首

良友十年別各在天一方感君寄瓊玖佩
服銘中腸躊躇無所報中夜起傍徨搔首
鵬青天貽君明月光我身不能至明月入
君堂千里照顏色生死母相忘
雲興不作雨何以成泰嶽得君不濟民何